

ՀԱՅ ԿԵԱՆՔ ԵՒ ԵԿԵՂԵՑԻ

ՀԱՅ ԿԱԿԱՆ ՀԱՐՑ

Բ. Դրան հրահանգները Ընդհանուր Քննիչների իրաւունքների եւ ձեռնհասութեան վերաբերեալ^{*)}

Յօդուած 1. Ընդհ. Քննիչներն իրենց կենդրոնատեղին հաստատելու են իրենց պատկանող շրջանի (secteur) այն քաղաքի մէջ, որ իրենց պաշտօնավարութեան կարիքներին աւելի համապատասխան կը դատեն:

Նրանք իրենք որոշելու են այն քննութիւնների ու պոստայների ժամանակն ու եղանակը, որ պիտի կատարեն իրենց շրջաններում, միեւնոյն է անձնապէս թէ պատուիրակների միջոցով, այն վերապահութեամբ միայն, որ պարտաւոր են իւրաքանչիւր ամիս թէ ներքին Գործերի թէ Արդարադատութեան մինիստրութիւններին տեղեկագիր ուղարկել իրենց շրջանների կացութեան մասին՝ քաղաքացիական և դատական վարչութեան տեսակէտներից:

Յօդ. 2 Ընդհ. Քննիչները կոնտրոլի են ենթարկելու իրենց շրջանի քաղաքացիական, արդարադատական, ոստիկանական և ժանդարմական վարչութիւնները:

Հանրային ապահովութեան ուժերի անբաւարար լինելու դէպքում Ընդհ. Քննիչի պահանջմամբ իր տրամադրութեան տակ պիտ դրուին զինուորական ուժեր՝ իր ձեռնհասութեան սահմաններում ձեռք առնուած միջոցների գործադրութեան համար:

Ընդհ. Քննիչների պահանջման դէպքում հեռազրահան պաշտօնեաներ պիտի ուղարկուեն նրանց մասնաւոր բնակարանը՝ պաշտօնական թղթակցութիւններ յղելու համար: Ընդհ. Քննիչների գործածութեան համար մշակուե-

^{*)} Այս հրահանգները Հայրապետական Դիւանում ստացուել են Քրասնոյն լեզուով, որպէսզի «Արարատ»-ի ընթերթողները յաջորդաբար տեղեակ լինեն այն ամենին, որոնք վերաբերում են Տաճկահայաստանի բարենորոգութեանց՝ խմբագրութիւնս թարգմանել տալով՝ յանձնարարում է իւր ընթերցողներին: Խմբ.

լու է մի յատուկ հեռագրական բառարան՝ ծածկագիր թղթակցելու Մեծ Վեղիրութեան և Ներքին Գործերի ու Արդարադատութեան մինխտրութիւնների հետ: Ժանդարմներ կամ զինուորներ հաւասարապէս դրուելու են նրանց տրամադրութեան տակ՝ իրենց մասնաւոր բնակարաններում:

Յօդ. 3 Ընդհ. Քննիչներն իրենց պատկանող շրջաններում հսկելու են վիլայեթների և համայնքների օրէնքի որոշումների գործադրման վրայ, ինչպէս և Կայսրութեան այն բոլոր օրէնքների ու կանոնների, որ վերաբերում են քաղաքացիական վարչութեան, արդարադատութեան, ստիկանութեան ու ժանդարմերիային:

Յօդ. 4 Ընդհ. Քննիչները, նահանգապետների կարծիքն ստանալուց յետոյ, Բ. Դրաններկայացնելու են պատճառարանութիւններով ընթացակցուած օրինագծեր, պահանջելու Կայսրութեան այն օրէնքների ձեւափոխութիւնը, որոնք չեն համապատասխանում իրենց շրջանի իրական կարիքներին: Նրանք մշակելու են հաւասարապէս և հրահանգների նախագծեր՝ ղիւրացնելու յիշեալ օրէնքների գործադրութիւնն իրենց շրջաններում:

Հրահանգների այս նախագծերն ենթարկուելու են համապատասխան ղեկարարտամենտի հաւանութեանը:

Յօդ. 5 Ընդհ. Քննիչները նշանակելու են այն վայրերը, որ անհրաժեշտ կարիք ունին քաղաքացիական վարչութեան կազմակերպութեան հաստատման, համաձայն վարչութեան օրէնքի 3-րդ յօդուածի, և այս առթիւ նահանգապետների ու զօրաբանակների հրամանատարների կարծիքն ստանալուց յետոյ պատրաստելու են համապատասխան օրինագծեր: Նրանք են որոշելու այն գիւղերի և համայնքների այս կամ այն վիլայեթից կախումը, որոնք յաւակնում են երկու վիլայեթների հետ էլ կապուած լինել: Նրանք հաղորդելու են Ներքին Գործերի մինխտրութեան իրենց կարծիքը այն որոշումների մասին, որ, համաձայն վերոյիշեալ յօդուածի, պիտի տրուին վիլայեթների Ընդհանուր Փողովներից՝ Սանջակների ու Գազանների կենդրոնատեղիների փոփոխման, այս Սանջակների ու Գազանների սահմանների ձեւաւորման ու ուղղման, ինչպէս և իրենց վար-

չափան բաշխման մէջ տեղի ունենալիք փոփոխութիւնների առիթով:

Յօդ. 6 Վիլայեթները օրէնքի 4-րդ յօդուածի համաձայն Ընդհ. Քննիչները մշակելու ու ներկայացնելու են ներքին Գործերի մինիստրութեան յատուկ կանոնների նախագծեր, իրենց պատկանող շրջանում գտնուած նոմադ ցեղերի տեղաւորման ու վարչութեան մասին, հաշուի առնելով նրանց բարքերն ու սովորոյթները, հասարակական կարիքներն ու տեղական պահանջները: Վալիների հետ միտակարծիք, նրանք անհրաժեշտ միջոցներ են ձեռք առնելու կանխելու նոմադների կողմից որ և է աւարառութիւն շէն գաւառամասերում, մինչև որ այս ցեղերը տեղաւորուեն ու ընտելանան երկրագործական ու ինդուստրիական աշխատանքների:

Յօդ. 7 Այլ պարտականութիւնների հետ միասին Ընդհ. Քննիչների պարտքն է և ամբաղնդել իրենց շրջանի ազգաբնակչան զանազան տարրերի համերաշխութիւնը, ցրել նրանց անշատող թիւրիմացութիւնները, եթէ կան, ապահովել բոլորի իրաւունքների հաւասարութիւնը և յարդել տալ ընդհանրապէս ամէն մէկի ազատութիւնն ու իրաւունքները: Ըստ այսմ Ընդհ. Քննիչներն առանձնապէս անմիջական հսկողութիւն են ունենալու՝ կարգադրելու հողային սեփականութեան շուրջը ծագած վէճերը, որոնք որոշ վայրերում ազգաբնակչութեան զանազան տարրերը բաժանում են:

Յօդ. 8 Ընդհ. Քննիչների ձեռնհասութիւնն ու պարտականութիւնն է կազմում, ինչպիսի եղանակով էլ այդ լինի, հսկելու՝ որ իրենց վերահսկողութեան տակ և ըստ կարելւոյն ամենակարճ ժամանակամիջոցում մի վերջնական մարդահամար կատարուի, որ պիտի հաստատի իրենց պատկանող շրջանների զանազան կրօնների, ազգութիւնների, լեզուների առոյգ համեմատական թիւը:

Ընդհ. Քննիչներն իրենց պատկանող շրջաններում հսկելու են Կայսերական Կառավարութիւնից հաստատուած հետեւեալ որոշումների իրագործման վրայ. —

Վանի և Բաղէշի վիլայեթների Ընդհ. Ժողովների (Մէջ-

լիսի Ումուտի) և Կոմիտէների (Էնջլւմէն) ընտրովի անգամները պիտի լինեն կիսով մահմեդական և կիսով ոչմահմեդական: Կարնի վիլայեթում, եթէ վերջնական մարդահամարը մի տարուայ ընթացքում տեղի չի ունեցել, Լնդհ. Ժողովների անդամները պիտի ընտրուին նոյնպէս «կիսով»-ի հիման վրայ, ինչպէս վերոյիշեալ երկու վիլայեթներում: Սերաստիայի, Պարբերդի և Տիգրանակերտի վիլայեթներում Լնդհ. Ժողովների անդամներն հենց այժմեանից պիտի ընտրուին համեմատականութեան սկզբունքի հիման վրայ: Այս նպատակով, մինչև վերջնական մարդահամարը, մահմեդական ընտրողների թիւն որոշուած կը մնայ համաձայն վերջին ընտրութիւններին իբրև հիմք ծառայած ցուցակների, իսկ ոչմահմեդական ընտրողների թիւը կորոշուի համաձայն իրենց համայնքներից ներկայացուելիք ցուցակների:

Եթէ սակայն նրւթական դժուարութիւններն անգործադրելի դարձնեն ընտրական այս ժամանակաւոր սխաւմը, Լնդհ. Քննիչներն իրաւունք են ունենալու երեք վիլայեթների՝ Սերաստիայի, Պարբերդի և Տիգրանակերտի Լնդհ. Ժողովների աթոռների բաշխման համար մի այլ առաջարկութիւն անել, որ աւելի համապատասխան լինի յիշեալ վիլայեթների իրական կարիքներին ու պայմաններին:

Այն բոլոր վիլայեթներում, ուր Լնդհ. Ժողովներն ընտրուելու են համեմատականութեան սկզբունքի հիման վրայ, փոքրամասնութիւնը ներկայացուցիչ է ունենալու Կոմիտէների մէջ (Էնջլւմէն):

Վարչական Ժողովների ընտրովի անդամները, ինչպէս անցեալում, պիտի լինեն կիսով մահմեդական և կիսով ոչմահմեդական:

Եթէ Լնդհ. Քննիչներն անյարմար չեն գտնիլ, մահմեդականների և ոչ մահմեդականների հաւասարութեան սկզբունքը գործադրելու են երկու շրջաններում էլ ոստիկանութեան և ժանդարմերիայի հաւաքման համար այն չափով, ինչ չափով ազատ տեղեր կը բացուին:

Հաւասարութեան նոյն սկզբունքը գործադրուելու է հարաւորութեան չափ նաեւ երկու շրջանների միջի բոլոր

հասարակական պաշտօնների բաշխման համար:

Յօդ. 9 Ընդհ. Քննիչները կոնտրոլի են ենթարկելու ուղղակի կամ անուղղակի կերպով բոլոր պաշտօնեաների պաշտօնակատարութեան եղանակը, ստուգելով նրանց ընդունակութեան ու ժրաշանութեան աստիճանը:

Նրանք կազմել են տալու բոլոր պաշտօնեաների «ցուցակ ծառայութեան»-ը:

Յօդ. 10 Ընդհ. Քննիչները հանգամանքներին նայած պաշտօնանկ են անում այն բոլոր պաշտօնեաներին, որոնց անբաւարար լինեն ու վատ ընթացքը կը հաստատեն, արդարագատութեան յանձնելով նրանց, որոնք օրէնքով յանցաւոր կը լինեն պատժելի արարքի համար. նրանք փոխարինում են հրաժարեցրած ստորագաս պաշտօնեաներին նորերով, որոնք պէտք է լրացնեն օրէնքներով և կանոններով նախատեսուած ընդունելութեան և ունակութեան պայմանները: Նրանք իրաւունք են ունենալու Նորին Վեհափառութիւն Սուլթանի Կառավարութեան անւանմանը ներկայացնել բարձրաստիճան պաշտօնեաներին, Կատարուած պաշտօնանկութիւնների մասին անմիջապէս հաղորդելու են համապատասխան մինիստրութիւններին պատճառաբանուած կարճ հեռագիրներով, որոնց պիտի հետեւին ութ օրուայ ընթացքում այս պաշտօնեաների գործերն ու մանրամասն պատճառաբանութիւններով մի տեղեկագիր: Բարձրաստիճան պաշտօնեաներն են՝

Վալին,

Միւթեսարիֆը,

Գայմազամները,

Դեթերգարը,

Մեքթուրջին,

Հանրային կրթութեան վերատեսուչը,

Երկրագործութեան վերատեսուչը,

Հանրային աշխատանքների գլխաւոր հնարագէտը (ինժեներ),

Կալուածային վարչութեան վերատեսուչը,

Ոստիկանութեան վերատեսուչը,

Մարդահամարի վերատեսուչը,

Առողջապահութեան վերատեսուչը,
Քաղաքական գործերի վերատեսուչը կամ վիլայեթի
թարգմանը,

Սանջակի մուհասերեջին,

Սանջակի թղթակցութեան վերատեսուչը,

Ուսուցման երկրորդական հիմնարկութիւնների և նոր-
մալ դպրոցների (վարժապետանոցների) վերատեսուչները,
ինչպէս և ուսուցիչները,

Բոլոր քննիչները (inspecteur):

Անմիջապէս վալիներից կախում ունեցող պաշտօնեա-
ներին վերաբերող որոշումները հաղորդուելու են իրենց՝
վալիներին:

Յօդ. 11 Եթէ հաստատուի, որ վալիներն այնպիսի
գործեր են կատարել, որ անհրաժեշտ է անյետաձգելի խիստ
միջոցների ձեռնարկել, Ընդհ. Քննիչները խնդիրը ներ-
կայացնելու են Ներքին Գործերի մինիստրութեան, որն
անմիջապէս այդ մտցնելու է Մինիստրների ժողով, և այս
վերջինս պիտի որոշում տայ ամենաուշը 4 օրուայ ըն-
թացքում, հաշուելով Ընդհ. Քննիչի հեռագիրը ստացուե-
լու ժամանակից:

Ընդհ. Քննիչից կամ նրա պահանջով հրաժարեցուած
պաշտօնեաները չեն կարող նոր պաշտօնի ունակ յայտա-
բարուել, նոյնիսկ պաշտօնից ազատների խմբում, մինչև
որ կենդրոնական իշխանութիւնը 10-րդ յօդուածով նախա-
տեսուած հրաժարեցման մանրամասն պատճառաբանուած
տեղեկագիրը չստանայ ու չհաստատէ նրա բովանդակու-
թիւնը:

Յօդ. 12 Քաղաքացիական, դատական, ժանդարմե-
րիայի, հանրային աշխատանքների և երկրագործութեան
քննիչները կախում ունեն ուղղակի իրենց պատկանած
դեպարտամենտներից, բայց վիլայեթների պաշտօնեաների
հետ մի աստիճանի վրայ՝ դրուում են Ընդհանուր Քննիչ-
ների վերահսկողութեան տակ և Ընդհ. Քննիչների ան-
հրաժեշտ դասած դէպքերում պարտաւոր են այս վերջին-
ներիս ուղարկած ծանուցումները (communication) գործա-
դրել. այս քննիչները ներկայացնում են Ընդհ. Քննիչին

իրենց հրահանգների համաձայն կատարելիք քննութիւնների տեղեկագրի պատճէն, իսկ բնագիրը ուղարկում այն դեպարտամենտին, որից կախում ունին:

Պաշտօնեաների պարտականութիւնների կատարման եղանակի առթիւ եղած քննութիւնների տեղեկագրերները, լինին դրանք կատարուած մինիստրութիւնների թէ Ընդհ. Քննիչի հրամանով, միաժամանակ հաւասարապէս ներկայացուելու են՝ պատճէնը—Ընդհ. Քննիչին, բնագիրը—համապատասխան մինիստրութիւններին:

Յօդ. 13 Ֆինանսական քննիչներն անմիջապէս կախումն ունին Ֆինանսների մինիստրութիւնից: Նրանք այդ մինիստրութեան ուղարկելու են յատուկ կանոնադրութեան համաձայն կատարուելիք քննութեան տեղեկագրերները և պատճէն ընձեռնելու են Ընդհ. Քննիչին: Այն դէպքում, երբ վերջինս անհրաժեշտ կը դատի քննութիւն բանալ մի յատուկ խնդրի առթիւ և այդ կը հաղորդէ Ընդհանուր Քննիչութեան կենդրոնատեղիում զանուող գլխաւոր Քննիչին, սա պարտաւոր է կամեցուած քննութիւնը կատարել, լինի այդ անձնապէս թէ մի այլ քննիչի ջանքերով, և Ընդհ. Քննիչին տեղեկագիր ներկայացնել: Ֆինանսների մինիստրութիւնը հաւասարապէս հաղորդակից պիտի լինի նմանօրինակ քննութիւններին:

Յօդ. 14 Եթէ որ և է դատական պաշտօնեայ, որ պատկանում է անփոփոխ դատաւորների բաժանմունքին, յանցաւոր կը զանուի դատի կամ պաշտօնանկութեան ենթակայ իր արաբքով, Ընդհ. Քննիչը դիմում է Արդարադատութեան մինիստրութեան նրան դատի տալու համար: Մինիստրութիւնը գործին ընթացք պիտի տայ մէկ շաբաթից ոչ ուշ: Եթէ յիշեալ պաշտօնեան դատաւոր չէ, Ընդհ. Քննիչը պահանջելու է նորա պաշտօնանկութիւնը և ուրիշով փոխարինումը, լինի այդ Արդարադատութեան մինիստրութիւնից թէ Վերաքննիչ Պալատի Ընդհանուր Դատախազից, պաշտօնի կարևորութեան աստիճանի համեմատ:

Անյետաձգելի կարգադրութիւններ պահանջող կարևոր դէպքերում Ընդհ. Քննիչները վայելելու են անմիջական ժամանակաւորապէս պաշտօնից արձակելու (suspension)

իրաւունք, նոյնիսկ դատական անփոփոխ պաշտօնեաների նկատմամբ, այն պայմանով, որ զէպքերն անմիջապէս Սը-դարադատութեան ղեկարտամենտին հաղորդեն:

Յօդ. 15 Ընդհ. Քննիչների ամենակարեւոր պարտականութիւններից մէկն է և հակել՝ որ դատական վիճաբանութիւնները գերծ մնան որ և է արտաքին ճնշումից, վճիռները տեղի ունենան ամենամեծ անկողմնակալութեամբ ու ազատութեամբ և դատաւորներն ոչ մի կերպ չազդուեն:

Յօդ. 16 Դատական պաշտօնեաները պարտադիր են համակերպել Ընդհ. Քննիչների այն ծանուցումներին, որոնք վերաբերում են վարչական բաժնի և դատական գործերի դիւանական աշխատանքների մէջ ներմուծուելիք ռեֆորմներին, սրանց կանոնաւոր ընթացքն ապահովելու համար:

Ըստ այսմ Ընդհ. Քննիչները հսկելու են իրենց պատկանող շրջաններում կայսերական կառավարութեան կողմից հաստատուած հետեւեալ որոշումների իրագործման վրայ.—

Իւրաքանչիւր շրջանում օրէնքները, հրամանագրերը և յայտարարութիւնները հրատարակուելու են տեղական լեզուներով: Իւրաքանչիւր կողմ իրաւունք է ունենալու դատաւորների և վարչութեան առջև գործածել իր լեզուն, երբ Ընդհ. Քննիչն այդ հնարաւոր կը դատէ: Դատավճիռները գրի են առնուելու տաճկերէն և եթէ հնարաւոր է, թարգմանուելու են կողմերի լեզուներով:

Յօդ. 17 Ոստիկանութեան ու ժանդարմերիայի կազմակերպութիւնն ու վերակազմութիւնը տեղի է ունենալու իւրաքանչիւր շրջանի մէջ Ընդհ. Քննիչի ղեկավարութեամբ ու գիտութեամբ:

Ոստիկանութեան և ժանդարմերիայի կազմակերպման համար անհրաժեշտ դատուած ձեւփոխութիւնները, Վալիի գիտութեամբ մատնանշուելու են Ընդհ. Քննիչից և ներմուծուելու կենդրոնական իշխանութիւնից:

Յօդ. 18 Հանրային կրթութեան ըրոր հաստատութիւնների բարձր վերահսկողութիւնը պատկանում է Ընդհ. Քննիչներին:

Ընդհ. Քննիչներն իրենց պատկանող շրջաններում

հսկելու են Կայսերական Կառավարութեան հաստատած հետեւեալ որոշումները գործադրման վրայ,—

Բւրաքանչիւր վիլայեթի հանրային կրթութեան բիւջէից ամեն մի ազգազրական տարրի պատկանող մասը որոշուելու է համեմատականօրէն, ամեն մէկի հանրային կրթութեան համար ժողովուած հարկերի մէջ ցոյց տուած մասնակցութեան համեմատ: Կայսերական Կառավարութիւնն ոչ մի արգելք չի յարուցանիր, եթէ համայնքներում կրօնակիցները տուրքեր ժողովեն իրենց դպրոցների պահպանման համար:

Յօդ. 19 Ընդհ. Քննիչները ստուգելու են բոլոր մանրամասնութիւններով պետութեան բիւջէի մէջ վիլայեթի հանրային գործաւնութիւններին յատկացուած վարկերը և, վալիներին ծանուցանելուց յետոյ, մատնանշելու են ինչ որ իրական կարիքներից աւել կամ պակաս է,—այսպիսով անօգուտ ծախսերը կանխելու և կարիք եղած դէպքում վարկի յաւելումն առաջ բերելու համար:

Յօդ. 20 Ընդհ. Քննիչներն ուսումնասիրելու են այն միջոցները, որ թոյլ են տալիս առաջարկելու կենդրոնական իշխանութեան՝ տասանորդների գանձման այնպիսի մի սխառեմ ընդունել, որ ապահովելով Գանձատան ու հարկատուների շահերը, իւր պարզ ու զործնական բնոյթով, ոչ ժամանակի կորուստ, ոչ էլ երկրագործներին դժուարութիւն պատճառի:

Յօդ. 21 Ընդհ. Քննիչները հարկերի ու թեմմեթուի գանձման եղանակը ուսումնասիրելուց և, այն վայրերի համար, որ անհրաժեշտ կը նկատեն, Վալիների կարծիքը ստանալուց յետոյ, կարող են առաջարկութիւններ ներկայացնել՝ կայուածային վարչութեան վերանորոգման և արդէն սկսուած ընդհանուր բեֆորմների բարելաւման համար:

Յօդ. 22 Ընդհ. Քննիչները իրենց յատկացուած մասնագէտ տեխնիկներին ուսումնասիրել են տալու այն բոլոր միջոցները, որոնց օգտակար կը լինի գիմել, իրենց շրջանի հանքերն ու անտառները պետութեան համար ամենաարդիւնաւէտ եղանակով պահպանելու ու շահագործելու, հողը պարարտացնելու, արտադրութեան ծախսերը նուազեցնե-

լու, հանրային կրթութիւնը տարածելու, ինդուստրիան և առևտուրը քաջալերելու, հաղորդակցութիւնները դիւրացնելու համար. մի խօսքով քննել են տալու ամեն ինչ, որ կարող է նպաստել վիճակների մտաւոր և տնտեսական բարձրացման:

Ըստ այսմ նրանք հսկելու են, որ Վալիներն իրագործեն այն բեֆորմները, որ ոչ բիւջէի մէջ վարկի ներմուծումն, ոչ էլ օրէնքի կամ կայսերական հրամանագրի հրատարակումն են պահանջում: Ինչ վերաբերում է այն կարգադրութիւններին, որոնք նախադրում են կամ ընդհանուր բիւջէի մէջ յատուկ վարկերի ներմուծման կամ թէ առանձին օրէնքի ու կայսերական վաւերացման գոյութիւնը, այդ առթիւ դիմելու են ձեռնհաս դեպարտամենտներին:

Յօդ. 23 Ընդհ. Քննիչներից իւրաքանչիւրին իրենց գործառնութիւնների կատարման համար յատկացուելու են՝

1. Մի ընդհանուր քարտուղար-գլխաւնապետ և բաւարար թուով խմբագրողներ, թարգմանողներ, գրագիրներ և ծառայողներ:

2. Մի քննիչ քաղաքացիական, ոստիկանական և ժանդարմական գործերի համար:

3. Մի քննիչ դատական գործերի համար:

4. Մի քննիչ հանրային կրթութեան համար:

5. Մի մասնագէտ քննիչ, օտար կամ օսմանցի, երկրագործութեան համար:

6. Մի մասնագէտ քննիչ, օտար կամ օսմանցի, հանրային աշխատանքների համար:

7. Մի թիկնապահ, որ պէտք է ընտրուի ժանդարմերիայի օտար սպաններից:

8. Մի օտար անձնական քարտուղար:

9. Մի բրդերէնի թարգման:

10. Մի հայերէնի թարգման:

Այս պաշտօնեաներն անուանուելու են Ընդհ. Քննիչների ցուցումով կամ հաւանութեամբ, իսկ նրանց իրաւունքները սահմանուելու են Ընդհ. Քննիչների աջակցութեամբ մշակուած մի յատուկ կանոնադրութիւնով:

Ֆրանս. քարգմ. Վալիցակ Տ. Յակովբեան